

四庫全書

史部

欽定四庫全書

史部

文獻通考卷二百七十五

詳校官內閣學士臣瑞保

編修臣程嘉謨覆勘

覆校官中書臣孫希旦

校對官中書臣金光悌

膳錄監生臣范宜勲

膳錄監生臣繆暉吉

欽定四庫全書

文獻通考卷一百七十四

鄱陽馬端臨

貴與著

封建考十五

齊周隋諸侯王列侯

北齊有王公侯伯子男六等之爵王位列大司馬上非親王則在三公下封內之調盡以入臺三分食一公以下四分食一王置師一人餘官大抵與晉宋梁制不

異公主則置家令丞等官

齊宗室諸王

趙郡王琛神武皇帝弟天平三年追封子獻嗣

後主時見殺

清河王岳神武從父弟天保初封子勸嗣齊亡入周仕

隋至上開府

廣平公盛神武從叔祖以從起兵封子瑗嗣改封平昌王

陽州公永樂神武從祖兄子太昌時封子孝緒嗣後改

封脩城郡王

襄樂王顯神武從祖弟天保初封

上洛王思宗神武從子天保初封子元海嗣齊亡死於

周

思好思宗弟封南安王後反兵敗死

平秦王歸彥神武族弟天保初封後反誅

普歸彥兄子天保初封武興郡王齊亡卒於周

永安簡平王浚神武第三子保定初封後為文宣所殺

子準嗣

平陽翼王淹神武第四子天保初封子德素嗣

彭城景思王洸神武第五子天保初封後為武成所殺

子寶德嗣

上黨剛肅王渙神武第七子天保初封子寶嚴嗣

襄城景王清神武第八子天保初封子亮嗣齊亡卒於

周

任城王湝神武第十子天保初封齊亡入周死

高陽康穆王湜神武第十一子天保初封子士義嗣

博陵文簡王濟神武第十二子天保初封後為後主所

殺子智嗣

華山王凝神武第十三子天保初封

馮翊王潤神武第十四子天保初封子茂德嗣

漢陽敬懷王洽神武第十五子天保初封子建德嗣

河南康獻王孝瑜文襄帝長子齊初封子弘節嗣

廣寧王孝珩文襄第二子齊初封齊亡卒於周

河間王孝琬文襄第三子天保初封後為武成所殺子
正禮嗣

蘭陵武王長恭文襄第四子天保初封

安德王延宗文襄第五子後主時周師入軍敗出奔延
宗即位力戰周克鄴禽之見殺

漁陽王紹信文襄第六子齊亡沒於周

太原王紹德文宣帝第二子天保初封後為武成所殺

子辨才嗣

范陽王紹義文宣第三子天保初封後周既取齊紹義入突厥稱帝周人購得之流死蜀

西河王紹仁文宣第四子天保初封

隴西王紹廉文宣第五子天保初封

樂陵王百年孝昭帝第二子帝即位立為太子後為武成所殺子白澤嗣

汝南王彥理孝昭子武帝初封齊亡入關授儀同隋開皇初卒於并州刺史

汝平王彥德 城陽王彥基 定陽王彥康 汝南王
彥忠皆孝昭子與彥理同時受封後不知所終
南陽王綽武成帝子河清時封後為後主所殺

瑯琊王儼武成子河清初封後為陸令萱等所殺

齊安王廓武成第四子

北平王貞 淮南王仁光 西河王仁機 樂平王仁

邕 潁川王仁儉 丹陽王仁直 東海王仁謙皆武

成子齊亡與後主俱死於長安

高平王仁英 安樂王仁雅亦武成子周之殺齊宗室
二王以清狂瘖疾獲免俱徙蜀死

齊列侯

万俟普太平人其先匈奴之別世為酋長魏孝武時封
清水郡公神武封河西郡公子洛嗣

可朱渾道元遼東人魏時以功封東縣伯神武時以軍
功累封扶風郡王子長舉嗣

天元道元弟以功封昌陽縣伯

天和天元弟以道元功積封至博陵郡公

劉豐普樂人以功封山鹿縣公後戰死子曄嗣

破六韓常單于之裔魏時封永安縣侯齊受禪封廣川縣公

金祚安定人神武時封安定縣公

劉貴陽曲人封樂縣男子洪徽嗣

蔡雋廣寧石門人神武時以戰功封烏洛縣侯

韓賢廣寧石門人以功封汾陽縣伯子裔嗣

王懷不知何許人神武時以功封盧鄉縣侯

任祥廣寧人積功封至魏郡公子冑嗣

莫多婁貸文狄那人從神武征伐積功封至石城公子
敬顯嗣

庫狄迴洛代人神武時以衆附封順陽縣子昭帝即位
進爵王

庫狄盛懷朔人積封至華陽縣公

張保洛南陽人以功積封至安武縣公

侯莫陳相代人以從神武起兵積封至白水郡公後進爵王子晉貴嗣

薛孤延代人從神武起兵積封至都昌縣公

斛律羌舉太安人以戰功封至密縣侯子孝卿嗣

王則太原人以功封太原縣伯

慕容紹宗太原王恪之後以軍功封索盧侯後以討侯景功進封燕郡公子三藏嗣

叱列平代郡西部人以軍功封癭陶伯子孝冲嗣

步大汗薩代郡西部人以軍功積封至義陽郡公

薛修義河東汾陰人以軍功封正平郡公子文殊嗣
慕容儼廐之後以征伐功積封至義安王

潘樂廣寧石門人以軍功積封至金門郡公子晃嗣

彭樂安定人以戰功積封至陳留王後謀反誅

暴顯魏郡人以功積封至定陽王

皮景和瑯琊下邳人以征伐功積封至廣漢郡公子信

機嗣

綦連猛代人以軍功積封至山陽王

元景安河南洛陽人本魏昭成裔以軍功封歷陽郡王
獨孤永業中山人以功封臨川王

鮮于世榮漁陽人以軍功封義陽郡王及周師取齊不
屈見殺

傅伏太安人以軍功封永昌郡公齊亡後入周為岷州
刺史

孫騰咸陽石安人神武時以親信積封至石安縣公子

鳳珍嗣

高隆之洛陽人以功封夏陽王子子遠嗣

司馬子如河內溫人魏節閔時以功封陽平郡公後以翼贊功封須昌郡公子消難嗣

竇泰太安捍殊人以軍功封廣阿子後戰没子孝敬嗣尉景善無人以從神武起兵功封博野縣公後追封長樂王子粲嗣 世辯

婁昭代郡平城人武明皇后母弟封濟北公後追封太

原王子仲達嗣

定遠昭次子封臨淮郡王

叡昭兄子封東安王

庫狄干善無人以從神武起兵封廣平郡公後封章武郡王子士文嗣

韓軌太安狄那人以軍功封德安郡公子晉明嗣

段榮武威姑臧人以功封姑臧縣侯子韶嗣公功進爵

平原郡王子懿嗣

孝言韶弟封霸城縣侯

斛律金朔州敕勒部人魏孝莊時賜爵阜城男後以佐命功封咸陽郡王子光嗣後主時祖珽譖而殺之

陳元康廣宗人以掌機密封安平子子善臧嗣

杜弼中山曲陽人文宣受禪以功封長安縣伯

張纂代郡平城人神武時以參丞相軍事封武安縣伯

張亮西河隰城人以參軍事封安定縣男

張曜上谷昌平人天保初封都鄉男

平鑒燕郡薊人以軍功封西平縣伯子敬嗣

唐邕太原晉陽人天保初封廣漢鄉男

元文遙河南洛陽人孝昭時以典機密封永樂縣伯

趙隱南陽宛人為神武功曹世掌機密積封至宜陽王

馮子琮長樂信都人後主時封昌黎郡公

魏蘭根曲陽人神武初封鉅鹿縣侯長子相如嗣

趙猛太安狄那人姊為齊文穆皇后神武時以預義功封

信都縣伯

胡長仁安定臨涇人武成后長兄後封隴東郡王後為和士開所殺

馬敬德河間人為後主師傅後追封廣漢郡王

張景仁濟北人工草隸為後主侍書封建安王

張華原代郡人神武時以功積封至新城公子宰均嗣由吾道榮瑯琊沐陽人文宣時以術封沐陽縣公

顏惡頭章武郡人神武時以術封安夷縣公

信都芳河間人以筮術封長安縣子

陸法和不知何許人梁元帝時助討侯景有功梁亡入周後入齊文宣封為安湘郡公

郭秀范陽涿人齊神武時以恩倖封壽陽伯

和士開清都臨漳人後主時以權倖封淮陽郡王後為瑯琊王儼所殺

穆提婆漢陽人後主時以恩倖封城陽郡王

高阿那肱無善人後主時以恩倖封淮陽郡王

韓鳳昌黎人後主時以恩倖封昌黎郡王

後周制封爵郡縣亦有公侯伯子男五等爵者皆加開國授柱國大將軍開府儀同者並加使持節大都督皇弟皇子置友及學士等員外餘史闕聞

周宗室王公

邵惠公顥文帝長兄保定初追封子什肥嗣

冑後為楊堅

所殺

導顥子以功封饒陽縣伯子廣追封蔡國公

洽後為

楊堅所殺

護顥子以功積封至中山公周受禪封晉國公秉政
後以專權為武帝所誅

杞簡公連以戰歿保定初追封子元寶亮椿為楊
殺堅所

莒莊公洛為爾朱榮所殺保定初追封子菩薩至
寶貢

虞國公仲德文帝從父兄保定初追封子興嗣洛隋
受禪為介公

廣川公測文帝族子以從魏孝武西遷封子該嗣

深測弟以功積封至長樂侯子孝伯嗣

後為天
元所殺 歆

東平公神舉文帝族子初以從孝武入關封城陽縣公
後為天元所殺子同嗣

慶神舉弟以戰功封汝南郡公子靜亂 協

衛刺王直文帝子建德三年封後坐反誅

齊煬王憲文帝子建德三年封後為天元所殺

趙王招文帝子建德五年封後為楊堅所殺

譙孝王儉文帝子建德時封子乾憚嗣為楊堅所殺

陳王純文帝子建德三年封

越王舒文帝子建德三年封

代王達文帝子建德三年封

冀王通文帝子建德三年封

滕王逌文帝子建德三年封以上並為楊堅所殺

紀厲王康孝閔帝子建德三年封後坐罪死子湜嗣

為楊

堅所殺

畢王賢明帝子 鄴王貞明帝子 漢王贊武帝子

秦王贇武帝子 曹王允武帝子 道王充武帝子

蔡王兌武帝子 荆王元武帝子 萊王衍宣帝子

郢王術宣帝子以上並為楊堅所殺

周列侯

冠洛上谷昌平人以從入關及戰功積封至京兆郡公

子和嗣

趙貴天水南安人以迎周文積功封至楚國公後為宇文

文護所殺

善貴從祖兄以翊戴周文功封襄城縣公

李賢隴西成紀人以功封上邽縣公子端嗣

詢端族孫武帝時以軍功封高平郡公子元方嗣

崇端弟以父賢功封廻樂侯子敏嗣

穆賢弟以從迎魏孝武功封永平縣子後進安武郡

公子筠嗣 渾

梁禦安定人以戰功積封至廣平郡公子睿嗣 洋

李弼隴西成紀人以征伐功積封至趙國公子暉嗣

衍暉弟以功封真鄉公子仲威嗣

綸衍弟封河陽郡公子長雅嗣

曜弼子封邢國公子寬嗣 密

擲弼弟以戰功封晉陽公子椿嗣改封河東郡公

宇文貴昌黎大棘人以戰功封許國公子善嗣

忻善弟以戰功封興國縣公隋文時以功進封英國

公

愷忻弟封安平公

侯莫陳崇代武川人以戰功積封至梁國公子芮嗣

穎芮弟以功封廣平侯

王雄太原人以戰功封武威郡公子謙嗣

王盟德皇后之兄封魏昌縣公子勸嗣 誼

獨孤信雲中人以從魏孝武入關功進爵浮陽郡公子

善嗣

竇熾扶風平陵人以征伐功積封至鄧國公子茂嗣

榮定 毅 賢 德藏

賀蘭祥武川人以功積封至涼國公子敬嗣

叱烈伏龜代郡西部人以從征伐功封長樂縣公子椿

嗣

閻慶河陰人以功積封至太安郡公子毗嗣 雄

權景宣天水顯親人以征伐功積封至千金郡公子如

璋嗣

王羆京兆霸城人以戰功封扶風郡公子慶遠嗣 述

謨

王思政太原祁人以軍功積封至太原郡公後戰敗陷於東魏子康嗣

尉遲迥代人以征伐功封蜀國公宣帝崩楊堅輔政將圖篡奪迥舉兵討堅不克死之

王軌太原祁人以功積封至郯國公後為天元所殺周惠達文安人周文時以府司馬積封至文安公

蘇綽武功人文帝時以輔佐功封美陽縣公子威嗣隋

時封邳公

椿綽弟以軍功封美陽子後進爵侯子植嗣

亮綽從兄以功封臨涇縣子子師嗣

韋叔裕京兆杜陵人以征伐功積封至鄖國公子總嗣

國成

壽叔裕子以父功封永安縣侯子保巒嗣

洸叔裕兄孫以征伐功封衛國縣公後進郡公子協

嗣

藝洗弟以擊尉遲迥功封武威縣公

冲藝弟封安固縣侯

韋瑱京兆杜陵人周時封長安縣男隋初以定策功進

封普安郡公

柳檜河東解人以軍功封萬年縣子後戰沒子斌嗣

祚

慶檜弟以功封平齊縣公子機嗣

述

達奚武代人以軍功封高陽郡公子震嗣

若干惠代武川人周文初興以翊戴功積封至長樂郡

公子鳳嗣

怡峯遼西人以戰功封華陽縣公子昂嗣

劉亮中山人以軍功封至長廣公子昶嗣

王德代武川人以翊戴功封至河間郡公子慶嗣

赫連達勃勃之後魏孝武入關以奉迎功積封至魏昌

公子遷嗣

韓果代武川人以戰功封褒中郡公子明嗣

蔡祐陳留圉人以戰功封至懷寧郡公子正嗣

常善高陽人以政績封永陽郡公子昂和嗣

梁椿代人以戰功封清陵郡公子明嗣

梁臺葺池人以翊戴功封中部縣公

田宏高平人以戰功封鴈門郡公子仁恭嗣

王傑金城直城人以戰功績封張掖郡公

王勇代武川人以戰功封新陽郡公子昌嗣

宇文虬代武川人以戰功封南安侯

耿豪鉅鹿人以戰功封平原公子雄嗣

高琳其先高麗人以戰功封犍為郡公子儒嗣

李和朔方巖綠人以功封永豐縣公子徹嗣

伊婁穆代人以戰功封平陽縣公子豐嗣

劉雄臨洮子城人以功封趙郡公子昇嗣

侯植其先上谷人以戰功封肥城縣公子定嗣

李延孫伊川人以戰功封華山郡公子人傑嗣

韋祐京兆山北人以戰功封固安縣公子初嗣

陳欣宜陽人以戰功封許昌縣公子萬敵嗣

魏元其先任城人以從魏孝武入關功封廣宗縣公

泉公上洛豐陽人以戰功封上洛郡公子貞嗣 暉

李遷哲安康人本仕梁後以軍敗降立功封安康郡公

子敬猷嗣

楊乾運興勢人本仕梁來降封安康郡公子端嗣

扶猛上甲黃土人本仕梁來降封臨江縣公

陽雄上洛邑陽人以從孝武西遷功積封至魯陽縣公

子長寬嗣

席固其先安定人仕梁以衆來歸封新豐縣公子雅嗣
辛善隴西人以戰功積封至宿國公子永達嗣

任果南安人本仕梁以衆來附封樂安郡公

崔彥穆清河東武城人以功封千乘縣侯隋時進封東
郡公子君綽嗣

楊纂廣寧人以戰功封永興縣侯後進爵為公子睿嗣
段永其先遼西石城人以功進封至廣城郡公子岌嗣

令狐整燉煌人以功進封至彭城縣公子熙嗣

唐瑾北海平壽人以從平江陵功進封臨淄縣公孫大

智嗣

柳敏河東解縣人以功積封至武德郡公子昂嗣

王士良太原晉陽人以功積封至廣昌郡公子德衡嗣

豆盧寧昌黎徒河人魏孝武時以奉迎功積封至楚國

公子勣嗣 毓 願師 通 寬

楊紹弘農華陰人以戰功積封至儻城郡公子雄嗣

達雄弟封遂寧縣子

王雅新固人以戰功封居庸縣伯子世積嗣

韓雄河南東垣人以戰功積封至新義郡公子擒虎嗣
隋時以平陳別封壽光縣公 世諤

僧壽擒虎弟隋初以功封昌樂縣公

洪僧壽弟以破尉遲迥功封甘棠縣侯

賀若敦河南洛陽人其先居漠北為部落大人敦西歸
周文積封至武都郡公後為晉公護所殺子弼嗣以平

陳封宋國公

誼敦弟周時封霸城縣子子舉嗣

申徹魏郡人以迎魏孝武功積封至博平公子康嗣

陸通吳郡人宋武平秦時沒關中以從平盜功積封至

綏德郡公

逞通弟積封至中都縣公子操嗣

庫狄峙代人以奉使和蠕蠕封高邑公子凝嗣

楊荐秦郡寧夷人以奉迎孝武功積封至清水公子淹

嗣

趙剛河南洛陽人以復東荊州功積封至浮陽郡公子

元卿嗣 世宏

趙昶天水南安人以戰功積封至長樂郡公

王悅京兆藍田人以戰功積封至河北縣公子康嗣

趙文表天水人以使突厥迎皇后功封伯陽縣伯子仁

海嗣

元定河南洛陽人以戰功積封至長湖郡公子樂嗣

楊擣正平高涼人以戰功封至華陽縣侯

韓褒潁川潁陽人周文帝時以參丞相府參軍封三水

縣侯子繼伯嗣

趙肅河南洛陽人以運糧功封清河縣子子軌嗣

張軌濟北臨邑人以從征伐功封壽河縣子

李彥梁郡下邑人以功積封至平陽公子昇明嗣

郭彥太原曲陽人周文時為相府西曹封龍開縣伯

梁昕安定烏氏人以功封胡城縣伯

皇甫璠安定三水人以功封長樂縣子

辛昂隴西狄道人以功封繁昌縣公

王子直京兆杜陵人以從孝武西遷功封山北縣男

杜杲京兆杜陵人以奉使江南稱旨封義興縣公

呂思禮東平壽張人以從擒竇泰功進爵為侯

冀雋太原陽邑人周文平侯莫陳悅時以功封長安縣男後加至昌樂侯

辛彥之隴西狄道人周受禪以掌議儀制封五原郡公

何妥西城人周天元時封襄城縣侯隋受禪進爵為公
王褒瑯琊臨沂人初仕梁元帝梁亡入周後封石泉縣
子

庾信南陽新野人初仕梁梁亡入周積封至義城縣侯
子立嗣

顏之推瑯琊臨沂人周時以太子侍讀天元即位封平
陽縣公隋時進鉅野郡公

梁彥光安定烏氏人以從平齊功積封至華陽郡公

樊叔略陳留人以從平齊功封清鄉縣公隋時進爵安

定縣公

燕榮弘農人以從平齊功封高邑縣公

蔣昇楚國平河人以功封高城縣子

隋開皇中制國王郡王國公郡公縣公侯伯子男凡九

等

樊子蓋進爵封為濟公言其功濟天下特為立名無此郡國

至煬帝唯留王公侯

三等餘並廢之 皇伯叔昆弟皇子是為親王及大長

公主長公主皆置官屬親王置師友文學長史司馬諮

議掾主簿錄事功曹記室戶倉兵騎法士等曹參軍東

西閤祭酒參軍事典籤等員嗣王則無師友

諸王以下皆置官屬

各遞減煬帝更令王府參軍為諸司書佐屬參軍則置以

屬為名改國令為家令餘以國為名者皆去之諸公主
各置家令丞主簿謁者舍人等員郡主唯無主簿

隋宗室王

蔡景王整隋文帝次弟從周武帝戰死隋受禪追封子智
積嗣

滕穆王瓚文帝弟帝受禪封子綸嗣煬帝時廢徙珠崖
後歸唐封懷化縣公

說綸弟襲封滕王隋末為宇文化及所殺

道宣王嵩文帝弟周時蚤卒隋初追封子靜嗣 世證
衛昭王爽文帝弟帝受禪封子集嗣煬帝時坐罪廢徙
不知所終

河間王宏文帝從祖弟周時從帝征伐委以腹心受禪
封子慶嗣後降李密王世充歸唐封郇國公

義城公處綱文帝族父周時以軍功封其父隋受禪處
綱嗣爵

房陵王勇文帝長子初立為太子後廢為庶人為煬帝
所殺追封房陵王

長寧王儼 平原王裕 安城王筠 安平王嶷

襄城王恪 高陽王諒 建安王韶 潁川王暉俱
勇子勇敗俱坐廢後悉為煬帝所殺

秦王俊文帝子開皇元年封子浩嗣宇文化及弑煬帝

立浩為帝尋殺之

蜀王秀文帝子開皇元年封後坐罪廢為庶人後為宇文化及所殺并其諸子

漢王諒文帝子開皇元年封煬帝即位坐反誅

晉王昭煬帝長子仁壽初封帝即位立為皇太子後薨
代王侑昭長子唐高祖入關立之後禪於唐崩諡恭
帝

燕王倓昭次子宇文化及弑煬帝併遇害

越王侗昭幼子王世充立之於東都世充篡遇害

齊王暕煬帝子開皇中立後為宇文化及所害

趙王杲大業九年封後為宇文化及所害

隋列侯

高潁渤海舊人文帝輔政封義寧縣公後以平陳功封齊國公煬帝即位坐訕謗誅

牛宏安定鶻人周時襲封臨涇公

李德林博陵安平人隋文受禪以佐命功封安成縣子

梁士彥安定烏氏人周時以平齊功封郕國公隋初坐反誅

元諧河南洛陽人文帝受禪以舊恩封樂安郡公後坐罪誅

虞慶則京兆櫟陽人開皇初以討突厥功封彭城郡公元胄河南洛陽人文帝受禪以腹心佐命封武陵郡公煬帝時坐事死

達奚長儒代人文帝受禪以佐命功封蘄郡公

賀婁子幹代人以討尉遲迥功封鉅鹿郡公子善柱嗣
史萬歲京兆杜陵人以戰功封太平縣公後坐事誅子

懷義嗣

劉方京兆長安人以戰功贈盧國公子通仁嗣

杜彥雲中人以討尉遲迥功封襄武縣公子虔寶嗣

周搖河南洛陽人以戰功封夔國公

獨孤楷不知何許人以戰功積封至汝陽郡公

乞伏慧鮮卑人以破尉遲迥封西河郡公

張威不知何許人以戰功積封至晉熙郡公

和洪汝南人以破尉遲迥功封廣武郡公

陰壽武威人以功封趙郡公子世師嗣

楊義臣代人以舊恩封秦興公

劉昉望都人以佐命功封舒國公後坐反誅

柳裘河東解人周時以功封昌樂公子惠童嗣

皇甫績安定朝那人以佐命功封義陽郡公子偲嗣

郭衍太原介休人周時封武強縣公煬帝即位以預奪

嫡謀封真定侯

楊汪弘農華陰人以功封平鄉縣伯

趙嘏天水西人文帝受禪以進璽綬功封金城郡公子

義臣嗣

趙芬天水西人周時封淮安縣男子元恪嗣

王韶太原晉陽人周時以平齊功封晉陽縣公帝受禪

改封項城郡公子士隆嗣

元巖河南洛陽人周時封昌國縣伯帝受禪進封平昌

郡公子宏嗣

宇文弼河南洛陽人周時為濟陽侯隋受禪進爵為公

子傑嗣

李圓通京兆涇陽人少賤給事文帝家帝受禪以佐命功封萬安縣公子孝常嗣

郭榮太原人周時以軍功封平陽縣男文帝受禪以龍潛舊人進爵蒲城郡公

龐晃榆林人周時襲爵比陽侯文帝受禪以舊人進爵

為公

李安狄道人以佐命功封趙郡公子瓊嗣

楊尚希弘農人周時為高都侯文帝受禪進爵為公子
旻嗣

張哭河間鄭人周時封北平縣伯文帝受禪進爵為侯
蘇孝慈扶風人周時封臨水縣公隋初進爵安平郡公
子康嗣

元壽河南洛陽人周時封隆城縣公

段文振北海期原人周時封襄國縣公

來護兒南陽新野人以平江南功封襄陽縣公後為宇
文化及所害

樊子蓋廬江人以平陳功封上蔡縣伯

周羅睺九江潯陽人奉陳將陳亡乃降後以擊突厥功
封義寧郡公

周法尚汝南安城人奉仕陳後降周封歸義縣公以戰
功封譙郡公

衛元河南洛陽人周時襲爵興勢公隋文受禪封同軌

郡公

劉權彭城豐人以平陳功封宋城縣公

李景天水休官人隋初封平冠縣公煬帝時以擊高麗
封滑國公

李諤趙郡人文帝受禪封南和伯

鮑宏東海郟人周平齊以功封平遙縣伯隋初進爵為

公

梁毗安定烏氏人周時封易陽縣子隋初進爵為侯

杜整京兆杜陵人周時以平齊功封平原縣公隋初進爵長廣郡公子楷嗣

張定和京兆萬年人以破突厥功封武安縣侯

張齋清河東武城人以從平陳功封文安縣子

麥鐵杖始興人遼東之役戰死贈宿國公子孟才嗣

權武天水人周時以父戰死襲封齊郡公

吐萬緒代郡鮮卑人周時襲爵元壽縣公隋文受禪進

穀城郡公

董純隴西成紀人周時以平齊封大興縣侯後從平漢王諒進爵郡公後坐罪死

王辨馮翊蒲城人以從平漢王諒功封武寧縣男

陳稜廬江襄安人以破楊元感功封信安侯

宇文述代郡武川人周時以軍功封江陵郡公後以平尉遲迥功進封褒國公子化及嗣

智及以父功封濮陽郡公後並以江都弒煬帝僭立

為竇建德所誅

王世充本西域胡人煬帝時為東都留守帝遇弒世充奉越王侗為主封世充鄭國公後篡立號鄭唐討平之蕭該蘭陵人梁鄱陽王恢之孫開皇初封山陰縣公王頒太原祁人僧辨之子開皇初以平蠻功封地邱縣公

劉弘彭城人以從平陳功封護澤縣公子長信嗣

盧楚涿郡范陽人越王侗時封涿郡公王世充篡楚不

從死之

來和京兆長安人周時以相術封洹水縣男隋受禪進
爵為子

文獻通考卷二百七十四

欽定四庫全書

文獻通考卷二百七十五

鄱陽馬端臨貴與著

封建考十六

唐諸王

唐高祖受禪以天下未定廣封宗室以威天下皇從弟及姪年始孩童者數十人皆封為郡王太宗即位因舉屬籍問侍臣曰封宗子於天下便乎尚書右僕射封德

彛對曰不便歷觀往古封王者今日最多兩漢以降唯封帝子及親兄弟若宗室疏遠者非有大功如周之邠滕如漢之賈澤並不得濫叨名器所以別親疏也先朝敦睦九族一切封王爵命既崇多給力役蓋以天下為私殊非至公馭物之道也太宗曰然朕理天下本為百姓非欲勞百姓以養已之親也於是率以屬疏降爵唯有功者數人得王餘並封為縣公

貞觀二年太宗以宇內晏清思以致理謂公卿曰朕欲

使子孫長久社稷永固其理如何尚書右僕射宋國公
蕭瑀對曰臣觀前代國祚所以長久者莫不封建諸侯
以為磐石之固秦并六國罷侯置守二世而亡漢有天
下參建藩屏年踰四百魏晉廢之不能永久封建之法
實可遵行上然之始議永封列土之制禮部侍郎李百
藥論曰周氏以鑒夏殷之長久遵黃唐之並建維城磐
石深根固本雖王綱弛廢而枝幹相持故使逆節不生
宗祀不絕秦氏背師古之訓棄先王之道剪華恃險罷

侯置守子弟無尺土之邑兆庶罕共理之憂故一夫號
澤七廟隳祀臣以為自古皇王君臨寓內莫不受命上
元飛名帝籙締構遇興王之運殷憂屬啟聖之期雖魏
武攜養之資漢高徒役之賤非止意有覬覦推之不能
去也若其獄訟不歸菁華已竭雖帝堯之光被四表大
舜之上齊七政非止情存揖讓守之亦不可固焉以故
勲重華之德尚不能克昌厥後是知祚之長短必在天
時政或盛衰有關人事宗周卜世三十卜年七百雖淪

胥之道斯極而文武之器猶在斯則龜鼎運祚已懸之於杳冥也至使南征不返東遷避逼裡祀如綫郊畿不守此乃陵夷之漸有累於封建焉暴秦運距閏餘數鍾百六受命之主德異禹湯繼世之君才非啟誦借使李斯王綰之輩咸開四履將閭子嬰之徒俱啟千乘豈能逆帝王之勃興抗龍顏之祚命者也然則得失成敗各有由焉而著述之家多守常轍莫不情忘今古理蔽澆淳欲以百王之季行三代之法天下五服之內盡封諸

侯王畿千里之間俱為采地是則以結繩之化行虞夏
之朝用象刑之典理劉曹之末缺船求劍未見其可膠
柱成文彌所多惑徒知問鼎請隧有懼霸王之師白馬
素車無復藩籬之援不悟望夷之釁未甚羿浞之災復
思高貴之殃寧異申繒之酷此乃欽明昏亂自繫安危
固非守宰公侯以成興廢且數代之後王室寢微始自
藩屏化為仇敵家殊俗國異政強凌弱衆暴寡疆場彼
此干戈侵伐狐貍之役女子盡髻峻陵之師隻輪不返

斯蓋略舉一隅其餘不可勝數陸士衡方規規然云嗣
王委其九鼎凶族據其大邑天下晏然以理待亂斯言
之謬也而設官分職任賢使能以循良之才膺共理之
寄刺舉分竹何代無人至使地或呈祥天不愛寶人稱
父母政比神明曹元首方區區然稱與人共其樂者人
必憂其憂與人同其安者人必拯其危豈容委以侯伯
則同其安危任之牧宰則殊其憂樂何斯言之妄也封
君列國藉慶門資忘先業之艱難輕自然之崇貴莫不

代增淫虐時益驕侈離宮別館切漢凌雲或刑入力而
將盡或召諸侯而共樂陳靈則君臣悖禮共侮徵舒衛
宣則父子聚麀終誅壽朔乃云為己思理豈若是乎內
外羣臣選自朝廷擢士庶以任之澄水鏡以鑒之年勞
優其階品考績明其黜陟爵非代及用賢之路斯廣人
無定主附下之情不固此乃愚智所辨安可惑哉至如
滅國殺君亂常干紀春秋二百年間略無寧歲次睢咸
秩遂用玉帛之君魯道有蕩每等衣裳之會縱使西漢

哀平之際東漢桓靈之時下吏淫暴必不至此為政之理可以一言蔽焉陛下獨照宸衷永懷前古將復五等而修舊制建萬國而親諸侯竊以漢魏以還餘風之弊未盡勲華既往至公之道斯草請待琢琬成朴以質代文刑措之教一行登封之禮云畢然後定疆理之制議山河之賞未為晚也中書侍郎顏師古論封建表曰伏聞前年陛下親發聖慮特降明勅博問卿士議欲封建既合事宜實惟理要然而議者不一各執異端或欲追

法殷周遠遵上古天下之地盡為封國庶姓羣官皆錫
茅社或云凋弊之後人稀土曠封建之事普未可行此
皆不臻至理兩失其衷臣愚以為當今之要莫不量其
遠近分置王國均其戶邑強弱相濟畫野分疆不得過
大間以州縣雜錯而居互相維持永無傾奪使各守其
境而不能為非協力同心則足扶京室陛下然後分命
諸子各就封之為置官僚皆一省選用法令之外不得
擅作威刑朝貢禮儀具為條式一定此制萬代永久則

狂狡絕暴慢之心本朝無怵惕之慮特進魏徵議曰臣聞三代之利建藩屏保乂皇家兩漢之大啓山河同獎王室故楚國不恭齊桓有召陵之舉諸呂構難朱虛奮北軍之謀九鼎危而復安諸侯傲而還肅比夫秦之孤立子弟為匹夫魏氏虛名藩扞若圉圉豈可同年而語哉至於同憂共樂之談百足不僵之義曹叅六代陸機五等論之詳矣陛下發明詔封五等事雖盡善時即未遑何也自隋氏亂離百殃俱起黎元塗炭十不一存始

蒙敷至仁以流元澤沐春風而霑夏雨一朝棄之為諸侯之隸衆心未定或致逃亡其未可一也既立諸侯當建社廟禮樂文物儀衛左右頓闕則理必不安粗修則事有未暇其未可二也大夫卿士咸資祿俸薄賦則官府困窮厚斂則人不堪命其未可三也王畿千里地稅不多至於貢賦所資在於侯甸之外今若並為國邑京師府藏必虛諸侯朝宗無所取給其未可四也今燕秦趙代俱帶蕃夷黠羌旅拒匈奴未滅追兵內地遠赴邊

庭不堪其勞將有他變難安易動悔或不追其不可五也原夫聖人舉事貴在相時時或未可理資通變敢進芻蕘之議惟明主擇焉

六年監察御史馬周上疏曰伏惟詔書令宗室勲賢作鎮部貽厥子孫嗣守其政非有大故則無黜免臣竊惟陛下封之者誠愛之重之欲其允裔承守而與國無疆也臣以為如詔旨者陛下思所以安存之富貴之然後使其為世官也何則以堯舜之父而有朱均之子倘有

孩童嗣職萬一驕愚則兆庶被其殃而國家受其敗正欲絕之則子文之理尤在正欲留之而樂厲之惡已彰與其毒害於見存之百姓則寧使割恩於已亡之一臣明矣則向所謂愛之者乃適所以傷之也臣謂宜賦以茅土疇其戶邑必有材行隨器方授則雖其翰翮非強亦可以獲免尤累昔漢光武不任功臣以吏事所以終全其代者良得其術也願陛下深思其宜使夫得奉大恩而子孫終其福祿也

十一年詔曰設官司以制海內建藩屏以輔王室莫不明其典章義存於致理崇其賢戚志在於無疆者也今採按部之嘉名參建侯之舊制共理之職重矣分土之實存矣已有詔書存其至理繼世垂範貽其後昆維城作固同符前列荊州都督荊王元景涼州都督漢王元昌徐州都督徐王元禮潞州都督韓王元嘉遂州都督彭王元則鄭州刺史鄭王元懿絳州刺史霍王元軌虢州刺史虢王元鳳豫州刺史道王元慶壽州刺史舒王

元名鄧州刺史鄧王元裕幽州都督燕王靈夔蘇州刺史許王元祥安州都督吳王恪相州都督魏王泰齊州都督齊王祐益州都督蜀王愔襄州刺史蔣王惲揚州都督越王貞并州都督晉王治秦州都督紀王慎等或地居旦奭夙聞詩禮或望乃閭平早稱才藝並爵崇土宇寵兼車服誠孝之心無忘於造次風政之譽克著於期月宜冠藩垣昨以休命其所署刺史咸令子孫世世承襲

十一年又以司空長孫無忌為趙州刺史改封趙國公
尚書左僕射房元齡為宋州刺史改封梁國公司空杜
如晦密州刺史封萊國公特進李靖為濮州刺史改封
衛國公特進高士廉為申州刺史改封申國公趙郡王
孝恭為觀州刺史改封河間郡王同州刺史尉遲敬德
為宣州刺史改封鄂國公光祿大夫李勣為蘇州刺史
改封英國公左驍衛大將軍段志元為金州刺史改封
襄國公右領軍大將軍程知節為普州刺史改封盧國

公兵部尚書侯君集為陳州刺史改封陳國公任城王
道宗為鄂州刺史改封江夏郡王太僕卿劉弘基為朗
州刺史改封夔國公金紫光祿大夫張亮為澧州刺史
改封鄖國公詔曰周武定業胙茅土於子孫漢高受命
誓帶礪於功臣豈止重親賢之地崇其典禮抑亦固磐
石之基寄以藩翰但今之刺史古之諸侯雖立名不同
而監統一也故申命有司斟酌前代宣條委共理之寄
象賢存代及之典司空無忌等並策名運始功參締構

即令子孫世世承襲非有大故無或黜免餘官食邑並如故其後無忌將之國情皆係戀不願是行辭不獲免謬出怨言以激上怒曰臣披荊棘以事陛下今海內寧一乃令世牧外州復與遷徙何異因上表固讓太宗謂之曰割地以封功臣古今之通義也意欲公之枝葉翼朕子孫長為藩翰傳之永久情在此耳而公等薄山河之誓發言怨望朕亦安可強公以土宇邪太子左庶子于志寧以古今事殊恐非久安之道上疏爭之竟從志

寧議

劉秩政典曰自漢以降雖封建失道然諸侯猶皆就國今封建子弟有其名號而無其國邑空樹官僚而無蒞事聚居京師食租衣稅國用所以不足也

按文中子後序言太宗嘗讀周官辨方正位體國經野設官分職以為民極之言慨然歎曰不井田不封建不足以法三代之治然則詔羣臣議封建必是時事也後之儒者往往追恨當時諸臣不能

將明英主之美意使生民復見三代之治以為遺憾愚嘗竊論之以為必能脩究古今之事情然後可以斷其議論之是非法制之得失蓋封建一事漢以來未嘗廢也然行之輒利少而害多其故有二一則不能存三代之公心二則不能存三代之良法公心者何昔文武成康之衆建諸侯也有德有功者則畀之初未嘗專以私其宗親雖曰兄弟甥舅之邦然所封皆極一時之選若其果賢則微

子尹東夏蔡仲君蔡邦雖仇讐不廢也若其不賢
則管蔡為戮五叔無官雖同氣不恕也至漢則且
私且忌故始則勦滅異代所建國而盡以畀其功
臣繼則勦滅異姓王而盡以畀其同宗又繼則勦
滅疏屬劉氏王而盡以畀其近親而其所建置若
潁若長之徒初無功德足以君國子民特以其近
親而王之故不旋踵而犯上作亂墟其國而隕其
身矣蓋有先王之公心則其弊不至於此良法者

何昔先王之建邦也上有方伯連率下有公侯伯
子男小大相維尊卑相制如公侯受封之地雖多
而制祿不過十倍其卿成國不過半天子之軍名
山大澤不以封必賜弓矢然後征必賜圭瓚然後
鬯有廵守有述職有慶有讓綱紀未嘗一日隳也
若漢初諸侯王則畀以大城名都連數千里未嘗
為之分限山澤蓄貨在其國者不領於天子之大
農五嶽四瀆在其國者不領於天子之祠官故為

諸侯者一受封之後即自負其富强摘山煮海招
納亡命擅爵人赦死罪天子不能訶謀臣不敢議
所以縱恣之者如此及景武之後則作左官之律
嚴附益之法吹毛求疵積毀銷骨所以猜防之者
復如此蓋方其縱恣也則畏之有同乎敵國及其
猜防也則抑之不啻如謫徙矣蓋有先王之良法
則其弊不至於此由漢而來有天下者未嘗不王
其昆弟子姓而名之曰封建然其得失與漢無以

大相遠蓋其初也惟務私其宗親未嘗有擇德而授之意故有國者不皆可使南面之人而復不能固結之以恩義繩律之以法度故仁恕者則流於縱恣西晉是也尅核者則過於猜防曹魏是也而晉魏皆緣是以亡是豈封建誤之哉先王之意之法不存而強慕美名則適足以為禍亂之階耳唐太宗亦好名之主然審時量已固自不能存帝王之心而行帝王之事矣故刺史世襲之詔不久而

遂停而當時諸臣雖以魏鄭公之賢亦以為事雖至善時即未遑而有五不可之說蓋其度之審矣如顏師古之議欲封建與郡縣並行王侯與守令錯處則漢初已嘗如此至景帝令諸侯王不得治民補吏而漢置內史以治其地則封建之地悉為郡縣矣蓋古之所謂諸侯即後之所謂守令然自漢中葉以後王侯之與守令始判然為二承流宣化而實有治人之責者守令也食租衣稅而但襲

茅土之封者王侯也今欲並建則凡王侯受封之地必盡廢內史之官即付之兵民之任而後可但恐恣縱專擅犯上作亂復如漢初之事容之則廢法而貽子孫之深憂誅之則傷恩而失封建之初意矣又况魏晉以後王侯多是虛封有三分食一四分食一五分食一者又有非其境內之地而遙封者如元魏之以會稽蒼梧建業丹陽等郡封其臣為公侯之類是也盖戶封既為虛名則受封者

之俸祿必仰給於縣官而出納之各有不能免
於是遂有虛食真食之異今欲盡復舊制則王侯
受封之地其戶邑之入必合盡捐以予之地既瓜
分租賦隨之京師府藏頓鮮無以供軍國之用非
居上之利也又王侯於所受封之郡邑既無撫字
之責而徒利租賦之入於是一意侵漁不顧怨讟
為封戶者甚於征行非百姓之利也又所謂王侯
者非子弟即勲臣素號名貴人華屋玉食之奉於

京師為宜今使之塊處外郡朝不坐宴不預憂讒
畏譏此絳侯之所以恐懼長孫司空之所以怨望
然則又非受封者之利也夫封建者古帝王所以
建萬世之長策今其公心良法一不復存而顧強
希其美名以行之上則不利於君中則不利於臣
下則不利於民而方追咎其不能力行此書生之
論所以不能通古今之變也

唐制皇兄弟皇子為王皆封國之親王

龍朔二年制諸
王子嫡者封郡

王任職從四品下叙其衆子封郡公從五品上叙貞觀中王珪奏曰三品以上遇親王於塗皆降乘違法申敬有乖儀注太宗曰卿欲自尊而卑吾子乎魏徵曰自古迄今親王班次三公以下今三品皆天子列卿及八座之長為王降乘非王親王府各置官屬凡府官國官王所宜當也詔從之未出閣則皆不

置領親事帳內二府及國官太子男封郡王其庶姓卿

士功業特盛者亦封郡王

自至德元載至大歷三年封異姓為王者凡百一十有二

人其次封國公其次有郡縣開國公侯伯子男之號亦

九等並無官土其加實封者則食其封分食諸郡以租

調給

自武德至天寶實封者百餘家自至德二載至大歷三年食實封者二百六十五家凡食四萬四千

八百六十戶

十六年制王府官以四考為限

高宗時滕王元嬰江王元祥蔣

王憚號王鳳俱以貪暴為吏人所患有授其府官者皆比嶺外荒裔為之語曰寧向詹崖家白不事江滕蔣號

嗣聖二年初置公府官員武太后天授二年又置皇孫

官員開元四年三月制諸封國自始封至曾孫者其封

戶三分減一十年加永穆公主封千戶凡諸王及公主

以下所食封邑皆以課戶兗州縣與國官邑官共執文

帳准其戶數收其租調均為三分其一入官其二入國

公所食邑則全給焉二十年五月勅諸食邑實封並以

三丁為限不須一分入官其物仍令封隨庸調送入京

親王府置傅一人

師範輔導參議可否初置王師景雲二年改為傅

咨議參

軍一人

匡正幕府治謀庶事

友一人

陪隨左右拾遺補闕

文學二人

修撰文章讐校

經史

東西閣祭酒各一人

接引賓客

長史司馬各一人

通判掾一

人

通判功倉戶三曹

屬一人

通判兵騎法士四曹

主簿一人

覆省教命記室參

軍二人

掌表啟書疏宣行教命

錄事參軍一人

受事勾檢

功曹倉曹戶

曹兵曹法曹士曹等參軍各一人

各有所主

參軍二人行參

軍四人

掌出使及雜檢校

典籤二人

宣傳教命

親事府置典軍副典

軍各二人

掌守衛陪從

執仗親事

執弓刀衛從

執乘親事各十六

人

供進騎乘

親事三百三十三人帳內府置典軍副典軍各

三人

掌儀衛陪從兼知鞍馬等

帳內六百六十七人親王國

施行公文准等

署式嗣王以下府准此

國令一人大農二人

通判

尉二人

分判

丞一

人

監印勾稽

小吏有差若府主薨則諸府佐視事帳內過葬

追退

雖無妻子亦准此

其國官聽終喪

若有襲爵者聽其回事

諸公主邑

司有家令丞錄事各一人

並隸宗正寺出降者不置

景龍三年應食封邑者一百四十餘家應出封戶凡

五十四州皆天下膏腴物產其安樂太平公主封又
取富戶不在損免限百姓著封戶者甚於征行十一
月河南巡使監察御史宋務光上疏曰臣聞分珪列
土各有方位通邑大都不以封錫前猷未遠古義亦
深自頃命侯稍殊舊式莫居境墾專擇雄輿徐州貢
土方色已乖寢邱辭封讓德不嗣且滑州者國之近
甸密邇帝畿地出縑紈人多趨射所以列縣惟七分
封有五王賦少於侯租入家倍於輸國求諸既往實

所未聞每科封丁有甚征役因而失業莫返其居此
土風逃者舊少頃日波散良緣封多伏願稍均封戶
散配餘州下息疲氓上遵古制則公侯不失於采地
流入得還於故鄉諸州封戶亦望准此又徵封使者
往來相繼既勞傳驛甚擾公私請附租庸每年送納
望停封使以靜下人仍編入新格庶為永例又聞五
等崇崇百王盛典自非邢茅懿戚冠鄧洪勲無以誓
彼山河疇其爵土近者封建頗緣恩澤功無橫草人

已分茅遂使沃壤名藩多入侯國邑收家稅半於天府經費不足蓋亦有由竊見武德之初建侯故事於時天保新定王業創開佐命如雲謀臣如雨然而封者不過十數人今禮樂承平邦家繼世有象賢舊德之裔無野戰攻城之勤至於命封不合全廣論功謝於前業食邑多於往時既減邊儲實虧國用伏惟酌宗周之前訓咨武德之舊章地匪宗盟勲殊社稷不宜加於實邑自可寵以虛名如此則庶績其凝彞倫

攸敘臣忝當廉問備採風謠見此不安豈敢自默知
必被封家所疾顧常以報國為心乞擇愚言訪諸朝
宰秋毫有益夕死無憂兵部尚書韋嗣立上疏曰臣
竊見食封之家其數甚衆昨問戶部云用六十餘萬
丁一丁兩疋計一百二十萬疋已上臣頃在太府知
每年庸調絹數多不過百萬少則七八十萬以來比
諸封家所入全少臣聞自古封茅土列山河皆須業
著經綸功申草昧然後配宗廟之享承帶礪之恩往

者皇運之初功臣共定天下當食封纔祇三二十家
今以恩澤受封百四十家已上國家租賦大半私門
私門資用有餘國家支計不足有餘則或致奢僭不
足則坐致憂危制國之方豈謂為得封戶之物諸家
自徵或是官典或是奴僕多挾勢騁威凌蔑州縣凡
是封戶皆不勝侵漁若戶不滿丁物送太府封家但
於右藏請受不得輒自徵催則必免侵漁人冀蘇息
矣

愚嘗謂古之諸侯即後之守令自漢以來始判而為二為王侯者於其受封之地實無撫字之責而但利其租食之入於是反為百姓之患若宋韋二公之疏所言尤詳故備著之

江夏郡王道宗太祖曾孫高祖兄子以從秦王討賊功初封任城王貞觀時更封永徽初坐罪流象州薨子景恒封盧國公

道興道宗弟初封廣寧郡王後以疏屬降封縣公

永安壯王孝基武德初封二年將兵討劉武周師敗為賊所害 道立以兄子嗣封高平王後降為公

淮陽壯王道元武德初封後將兵討劉黑闥戰歿 道明以弟嗣王坐罪奪爵

長平肅王叔良武德初封子孝協初王范陽後降為郇國公 思訓中宗復位以宗室耆舊封隴西郡王

新興郡王德良叔良弟 晉

坐罪誅

長樂郡王幼良德良弟後坐罪賜死

蔡烈王蔚

子安武德時封

琛

儉

降為公

河間元王孝恭安子子崇義嗣降封譙國公

濟北郡王瑊安子武德初封

漢陽郡王瓌安子武德初封後降為公

廬江郡王瑗蔚孫武德初封後坐反誅

淮安靖王神通武德初封子道彥嗣後降為公

孝譽神通子初封高密王

孝同神通子初封淄川王

孝慈神通子初封廣平王

孝友神通子初封河間王

孝節神通子初封清河王

孝義神通子初封膠西王後並降為公

孝逸神通子封梁郡公

襄邑王神符神通弟武德初封子七人初並封郡王

後降為公

隴西恭王博乂世祖孫高祖兄蜀王湛子武德初封

渤海敬王奉慈博又弟武德初封

右太祖世祖子孫王者

息隱王建成高祖長子帝即位立為太子後為太宗所
殺追封息王

太原王承宗建成長子蚤卒

安陸王承道 河間王承德 武安王承訓 汝南

王承明 鉅鹿王承義俱建成子建成死時並坐誅

衛懷王元霸蚤薨武德初追封諡 泰太宗子以嗣元

霸 保定宗室西平王子泰徙封復以保定嗣

巢刺王元吉初封齊王後為太宗所殺追封

梁郡王承業 漁陽王承鸞 普安王承獎 江夏

王承裕 義陽王承度俱元吉子元吉死時並坐誅

楚哀王智雲隋大業末高祖起兵吏捕送長安害之武

德初追封

寬

太宗子嗣封

靈龜

福

降為公

承況

神龍中同節愍太子

死於難

荆王元景武德三年封後坐預房遺愛反謀賜死 長

沙

降為侯

逖

復王爵無子國除

漢王元昌武德三年封後坐預太子承乾反謀賜死國

除

鄴悼王元亨武德三年封蚤薨無子國除

周王元方武德四年封貞觀時薨無子國除

徐康王元禮武德四年封子茂嗣

後坐罪廢 瑾

延年

坐罪貶國

除

諷

再嗣封

韓王元嘉武德四年封武后時坐謀舉兵誅武氏遇害

訥

元嘉第五子神龍初復嗣爵

叔璩

煒

彭思王元則武德四年封

絢

以霍王子嗣

志暕

鄭惠王元懿武德六年封子璿嗣

希言

霍王元軌武德四年封武后時坐預謀舉兵廢死

緒元軌子封江都王 暉

純亦元軌子封安定王

號莊王鳳武德六年封子翼嗣 寓 邕 巨

道孝王元慶武德六年封子誘嗣 微 鍊

鄧康王元裕貞觀五年封 炅 孝先

舒王元名貞觀五年封後為武后所殺

亶元名子封豫章王亦為武后所殺 津 萬 藻

魯王靈夔貞觀五年封後坐謀起兵討武氏見害

詵靈夔子為清河王

早夭

諲靈夔子為范陽王 道堅子宇嗣

江安王元祥貞觀五年封子暉嗣

坐罪誅

欽

皎元祥子封武陽王 繼宗

密貞王元曉貞觀五年封子頴嗣 勗 曇 徹
滕王元婴貞觀十三年封子修琦嗣 涉 湛然

右高祖子孫王者

常山愍王承乾太宗長子武德三年封常山王太宗即位立為太子後坐謀逆廢為庶人徙黔州死

楚王寬武德三年出後楚哀王蚤薨貞觀初追封

吳王恪貞觀二年封永徽中長孫無忌譖殺之子仁貶為鬱林縣男中宗反正改王成紀以預誅武三思死

祚祇獻

漢恭王泰貞觀二年封子欣嗣嶠

徽泰次子封新安郡王

齊王祐武德八年封後坐反廢為庶人賜死

蜀悼王愔貞觀五年封永徽時以吳王恪母弟得罪廢徙俄復封涪陵子璠嗣

瑜

蔣王憚貞觀五年封子煒嗣為武氏所害 紹宗 欽

福

越王貞貞觀五年封中宗廢貞起兵討武氏不克死子

冲與貞同死開元初追復爵王琳

紀王慎貞觀五年封武后時謫死證行同

東平王續慎子

義陽王叡慎子為武氏所殺

趙王福貞觀十三年封出後隱太子思順

曹王明貞觀二十一年封出後巢刺王高宗時坐太子

賢事廢死子俊嗣

為武氏所殺

允戢皐

右太宗子孫王者

燕王忠高宗長子貞觀二十年封帝即位立為太子後立武后子宏乃降封王尋為許敬宗所誣賜死

澤王上金永徽初封後為武氏所殺子義詢

神龍初嗣漣

許王素節永徽初封後為武氏所殺子瓘

神龍初嗣益

孝敬皇帝宏永徽六年封代王顯慶元年立為皇太子後為武后所鴆追諡帝

章懷太子賢始王潞後立為太子以忤武后廢死守

禮 承宏

樂安王光順

捷為王守義

並賢子

右高宗子

懿德太子重潤中宗長子永淳時立為皇太孫中宗失位廢後封邵王為武氏所殺神龍初追贈

譙王重福高宗時封神龍初為韋后所譖廢徙睿宗立召還至東都謀作亂不克死

節愍太子重俊聖歷三年封義興王中宗復位立為皇

太子後與李多祚等殺武三思兵敗死睿宗立追謚
宗暉封湖陽郡王

右中宗子

讓皇帝憲睿宗子文明元年立為皇太子後改王壽又
改王宋元宗即位徙王寧薨追謚帝子璿封汝陽王

莊憲子封濟陰王

琳憲子嗣寧王

瑞憲子封漢中王

惠莊太子撝垂拱三年封恒王開元時薨贈太子珣

壽

惠文太子範初封鄭王從元宗誅太平有功開元十四

年薨贈太子子瑾嗣

珍

後坐罪死

惠宣太子業始封趙王後進王薛開元二十二年薨贈

太子

瑗業子封樂安王

瑒業子封滎陽王

瑁業子嗣薛王

右睿宗子

奉天皇帝琮元宗子景雲九年封許昌郡王天寶十載薨贈太子肅宗立諡帝子侁嗣

太子瑛初封真定王開元三年立為皇太子後為武惠妃所構為庶人賜死寶應初贈太子

儼瑛子封新平郡王

伸瑛子封平原郡王

佖瑛子嗣慶王

棣王琰開元二年始封後坐罪以幽死

僎瑛子王汝南

僑瑛子王宜都

俊瑛子王濟南

佞瑛子王順化

鄂王瑤開元時封二十五年為武惠妃所譖與太子瑛

同廢死

倩瑤子王陳

靖恭太子琬始王鄆徙王榮天寶末薨追諡太子

俯琬子王濟陰

偕琬子王北平

光王琬開元十三年封二十五年為武惠妃所譖與太子瑛同廢死

儀王璦開元十三年封

仇璦子王鍾陵

健遜子王廣陵

潁王璩開元十三年封建中時薨

神璩子王滎陽

僖璩子王高邑

永王璘開元十三年封至德初謀反兵敗死

僖璘子王餘姚

壽王瑁開元十五年封大厯十年薨

僖瑁子王德陽

仵瑁子王濟陽

湛瑁子王廣陽

延王玠開元十三年封興元初薨

倬玠子王彭城

佺玠子王平陽

盛宣王琦開元十三年封廣德二年薨

償琦子王真定

佩琦子王武都

濟王環開元十三年封

僖環子王永嘉

僖環子王平樂

信王瑄開元二十一年封

佟瑄子王新安

倜瑄子王晉陵

義王玘開元二十一年封

儀玘子王舜陽

僂珙子王晉陽

陳王珪開元二十一年封

倫珪子王安南

佗珪子王臨淮

佼珪子王安陽

豐王珙開元二十一年封廣德初坐罪賜死

佻珙子王齊安

恒王瑱開元二十一年封代宗時薨

涼王璿開元二十一年封代宗時薨

仇璿子王瀘陽

汴哀王璿開元二十一年封明年薨

右元宗子孫王者



文獻通考卷二百七十五